

Месяца мая в 31 день
СЛУЖБА В ЧЕСТЬ ПРЕСВЯТОЙ БОГОРОДИЦЫ,
РАДИ ИКОНЫ ЕЯ ЛУГАНСКИЯ

НА ВЕЧЕРНИ:

На Господи воззвах стихиры на 8, глас 4-й:

Приидите, людие, воспойм Матерь Свѣта Владычицу Богородицу во святѣй Ея иконѣ Луганстей, иже зѣмлю нашу благолѣпно украшает, благодати струи обильно источает, сердца верных просвещает, да избавит ны от тьмы неведения, Дѣва и Мати Пресвятая, Единая Препоблагословенная.

О явлении светоноснем Твоѣм во граде Луганске Филиппу старцу благочестивому, Всесвятая Владычице, людие православнии духовне ликуют, zelo радуясь и благодаряще Бога, образ бо Твой, Дѣво и Мати Всепетая, стяжавше, яко дар многоценен Твоего к человеку благоволения, Богородице Дѣво, христианом Благая Помощнице и скорбящим Скорова Утешительнице, сице вопиющим Тебе: Благодатная, радуйся, с Тобою Господь, подай Тобою нам велию Милость.

Веселися, зѣмле Луганская, радуйтесь, люди православныя, яко прозябе нам источник радости велия, икона Богоматери. Пред нею же молим Царицу Небесную: не остави нас, Дѣво Чистая, Своими присными молитвами.

Икона Пресвятыя Владычицы, яко Лунa многосветлая, звездами ясными окруженная, сиянием Боголѣпным озаряет зѣмлю Луганскую, приступающим любовью, исцелений подает излияние неисчерпаемое.

Радуйтесь, боголюбцы Луганския, яко Солнце Правды Христос Бог наш, благодатию Своею осия образ Приснодѣвы, и Милости Своя щедро источает, всем славящим Пречистую Матерь Его пред образом Сея многославным.

Слава, глас 4:

Страстей тьмами обуреваемии, пристанище тихое в Тебе ищут, Богомати Дѣво, лучами благодати верных просвети, пред честным образом Лица Твоего молим Тя прилежно, Мати Свѣта Невечерняго.

И ныне, догматик, глас тойже:

Иже тебе ради богоотец пророк Давид песненно о Тебе провозгласи, величия Тебе Сотворшему: предста Царница одесную Тебе, Тя бо Матерь, Ходатаицу живота показа, без отца из Тебе вочеловечитися благоволивый Бог, да Свой паки обновит образ, истлевший страстьми, и заблуждшее горюхическое обрет овча, на рамо восприим, ко Отцу принесет, и Своему хотению, с небесными совокупит силами, и спасет Богородице, мир, Христос имеяй велию и богатую милость.

Вход. Прокимен дня. И чтения три

Бытия чтение.

Изиде Иаков от студенца клятвеннаго и иде в Харрань. И обрете место, и спа тамо: зайде бо солнце, и взят от камня места того, и положи возглавие себе, и спа на месте оном. И сон виде. И се лествица, утверждена на земли, еяже глава досязаше до небес, и Ангели Божии восхождаху и низхождаху по ней. Господь же утверждася на ней, и рече: аз Бог Авраамов, отца твоего, и Бог Исааков, не бойся: земля, идеже ты спиши на ней, тебе дам ю и семени твоему. И будет семя твое, яко песок земный, и распространится на море, и ливу, и север, и на востоки; и возблагодарят о тебе вся колена земная и о семени твоём. И се аз с тобою, сохраняяй ты на всяком пути, а може аще пойдеш. И возвращу ты в землю сию, яко не имам тебе оставити, дондеже сотворити ми вся, елика глаголах тебе. И воста Иаков от сна своего, и рече: яко есть Господь на месте сем, аз же не ведех. И убояся, и рече: яко страшно место сие; несть сие, но дом Божий и сия врата Небесная.

Пророчества Иезекиилева чтение.

Тако глаголет Господь: будет от дне осмаго и прочее, сотворят иереи на олтари всесожжения вашего и яже спасения вашего, и приму вы, глаголет Адонай Господь. И обрати мя на путь врат святых внешних, зрящих на востоки, и сия бяху затворена. И рече Господь ко мне: врата сия затворена будут и не отверзутся, и никтоже пройдет сквозь их; яко Господь Бог Израилев пройдет ими, и будут затворена. Яко Игумен сядет в них снести хлеб, по пути Еламских врат внидет и по пути его изыдет. И

введё мя по путі врат святых, сущих к северу, прямо храму, и видех, и се исполнь славы храм Господень.

Притчей чтение.

Премудрость созда Себе дом и утверди столпов семь. Закла Своя жертвенная, и растворил в чаши Своей вино, и уготова Свою трапезу. Посла Своя рабы, созываючи с высоким проповеданием на чашу, глаголющи: Иже есть безумен, да уклонится ко Мне. И требующим ума рече: Приидите, ядите Мой хлеб, и пейте вино, еже растворих вам. Оставьте безумие и живи будете, и взыщите разума, да поживете, и исправите разум в ведении. Наказуяй злыя примет себе безчестие, обличаяй же нечестиваго опорочит себе: обличения бо нечестивому раны ему. Не обличай злых, да не возненавидят тебе. Обличай премудра, и возлюбит тя. Дажь премудрому вино, и премудрший будет. Сказуй праведному, и приложит приимати. Начало премудрости страх Господень и совет святых разум: разумети бо закон помысла есть благаго. Сим бо образом многое поживеши время, и приложатся тебе лета живота.

Стихиры на литий, глас 6-й:

Приидите, вси концы земли, честному образу Божия Матере поклонимся: Та бо, яко свеча горящая, пламенеет молитвою пред Возлюбленным Сыном Своим и Богом нашим, да спасет нас от бед, праздник сей святой светло празднующих.

Стих: Помяну имя Твое во всяком роде и роде.

Днесь воспеваем Царицу Неба и земли Богородицу Деву, на облацех дивно шедшую, и праведнаго от напрасныя смерти избавившую, и злодеяния греховныя творити произволение имевших свидетелями чуда преславнаго содеявшую, присно молящуюся о спасении душ христиан православных.

Стих: Глаголю аз дела моя Царевы.

Да воскреснет Бог и расточатся врази Его, словеса сии златыми буквы начертанные зрит старец Филипп на тверди небесней. Злодеи же по жестосердию своему не сподобляются видения сиеваго. Дажь и нам,

грѣшным, Всесвятая Дѣво, видети Милости и Щедроты Твоя неоскудеваемии.

Слава и ныне, глас 4:

Сѣрдце сокрушенно Христу принесем, молением теплым Приснодѣвы Славныя, Еяже смирением миру спасение произыде.

На стиховне стихиры Богородицы, глас 5:

Радуйся Мати Свѣта Невечернего, всю вселенную Свѣтом Истины озаряющая. Радуйся, Огне умный, всяк ум превосходяй изливанием благодати, Синае второй, Законодателя Бога миру плотию Родшая, всякого освящающая Божественным Сыном Твоим, Пищу нетленную нам Подающая, Манно спасительная же, ясно бываемая, ко ищущаго требованию, Христова Мати Отроковице, изливающая миру велию милость.

Стих: Освятил есть селение Свое Вышний.

О, Всепетая Мати и Дѣво, приклонися милостивно к молитвам нашим, днесь пред пречистым Твоим образом смиренно приносимым, покрый нас Матерним Твоим покровом от всякаго зла, и защити от стрел вражиих, да вси непрестанно Тя величаем.

Стих: Речная устремления веселят град Божий.

Предстоят Ти, Госпоже Богородице, пред Твоим, Пречистая, образом, архиереев сословие и вси людие, монаси и прости, ведуще Тя воистинну Помощницу сильну и непобедиму, моления Тебе приносити от всея души подвижают, и подвижают на молитву к Богу, требующе Твоея помощи, да прострещи богоносныя Твоя руки и умолиши за мир. Вонми и услыши, Владычице, и подаждь утешение рабам Твоим, да не одолеют ны грехи наша тяжкия и лютыя: Твоея бо всегда требуем вси помощи.

Слава, глас 4:

Яко звезда многосветлая, взыде во граде Луганске Твой образ, Богомати, озари скорби тьмою одержимых, и прещения враг избави: Ты бо, вся тех сети разрушив, явилася Предстательница крепкая, сила на враги непобедимая: из Тебе бо всех Владыка плоть приим, вся человеки обожь.

И ныне, глас тойже:

Ныне настá дeнь радостен честнаго торжества Заступницы нашей, яже икону Свою святую в утешение нам подаёт. Сию убо любовь сердечную лобзаяще, ко Изображенной на ней Приснодеве рцем: О, Всеблагая Владычице, сотвори ны достойны быти такового дара милости Твоея и чтущих Тя всегда спасаи от всяких бед.

На благословении хлебов тропарь, глас 3:

Богородице Дeво Пречистая,/ Христа Спаса миру Родшая,/ пред иконою Твоею Луганскою/ умиленно поем Ти, Всесвятая:/ озари нас Светом Сына Твоего, Христа Бога нашего,/ страну нашу во истине Православия утверждающе, // да спасет Господь Тобою души наша.

НА УТРЕНИ:

На «Бог Господь» тропарь иконе дважды, Слава и ныне, паки тойже.

Седален по 1-й кафизме, глас 3:

Людие благочестивии, правовернии собори христоименитии, приступите верно вси, честному припадающе Божия Матере образу: Тая бо исцеление болящим радостно подаёт, уязвляет же злославная, нас всех веселит световидно и благодатию озаряет молитвами Своими. **Слава и ныне: тойже.**

Седален по 2-й кафизме, глас 6:

Благодарим Тя присно, Богородице, и величаем, Чистая, и поклоняемся, воспевающе Рождество Твое, Благодатная, вопиюще непрестанно: спаси нас, Дeво Семилостивая, яко Благая, и демонов исхити словоположения страшнаго в час испытания, да не посрамимся, раби Твой. **Слава и ныне: тойже.**

Величание: Величаем Тя, Пресвятая Дeво, и чтим образ Твой святой, имже точиши исцеления всем с верою притекающим.

Ино величание: Величаем Тя, Пресвятая Дeво, и чтим образ Твой святой, имже просвещаеши люди Твоя Светом веры Православныя.

Псалом избранный: Помяни, Господи, Давида и всю кротость его./ Яко

кля́тсѧ Го́сподеви, обеща́сѧ Бо́гу Иа́ковлю./ Се, слы́шахом я во Евфра́фе, обрето́хом я в поля́х дубра́вы./ Пресла́вная глаго́лашасѧ о тебе́, гра́де Бо́жий./ Бог посреде́ его́, и не подви́жится./ Кля́тсѧ Госпо́дь Дави́ду и́стиною, и не отве́ржется еѧ./ От плода́ чре́ва твоего́ посажду́ на престо́ле твоём./ Я́ко избра́ Госпо́дь Сио́на, изво́ли его́ в жили́ще себе́./ Освятѣл е́сть селѣние Своё Вы́шний./ Святы́ня и велеле́пота во святѣ́ле его́./ Свят храм твой, дѣ́вен в пра́вде./ До́му Твоему́ подоба́ет святы́ня, Го́споди, в долготу́ дней./ Помяну́ и́мя Твое́ во вся́ком ро́де и ро́де.// Благословѣ́н Госпо́дь во век, и в век ве́ка.

Ипакои, глас 6-й:

Я́ко порфи́рою ца́рскою и ви́ссом,/ ико́ною Твое́ю и Твоего́ Сы́на, Богоро́дице,/ Це́рковь Бо́жия украси́вшись, сия́ет чудесы́./ Днесъ явлѣ́нием вся созыва́ет пра́здновати,/ па́че сия́ния со́лнечнаго благода́тию Свята́го Ду́ха блиста́ющихи,/ на боля́щих и недужных исцелѣ́ния исто́чники исто́чающе// и всем да́рующе бога́тую ми́лость.

Степѣнна, 1 антифон 4 гласа.

Прокі́мен, глас 4: Помяну́ и́мя Твое́ / во вся́ком ро́де и ро́де.

Стих: Слы́ши, Дщи, и виждь, и приклонѣ́ у́хо Твое́.

Евангелие от Луки, Зачало 4.

По 50-м псалме стихира, глас 6:

Проше́ния испо́лни рабо́в Твои́х, Богоро́дице,/ Тебе́ пред ико́ною Луга́нскою с ве́рою призыва́ющихи./ От вся́кия ско́рби, недуго́в и озлобле́ния все́х нас свободѣ́,/ неложным упова́нием обогаща́я,/ да благодарственнo воспева́ем Тя,// ско́рую Моли́твенницу за христиа́н боголю́бивых.

Кано́н Богоро́дицы, глас 5, егóже краестрочіе:

СВѢТОМ ОСѢНИ, ЧИСТАЯ, ЛУГА́НСК — ИОА́НН РЕЧЕ́.

Песнь 1:

Ирмо́с: Коня́ и вса́дника в мо́ре Чермное́,/ сокруша́яй бра́ни/ мѣшцею вы́сокою,/ Христо́с истрясѣ́,/ Изра́иля же спасѣ́,// побѣ́дную песнь пою́ща.

Свѣта всѣльшагося в Тя, Пречѣстая, и просвѣщаго мир лучами Боже-
ства, Христа моли, просветити вся поющія Тя, Мати Дѣво.

Воспою Тебѣ, Господи Бѣже мой, яко родился еси из Матере Дѣвы
Святѣя, и Сию показал еси надежду душ наших.

Еже дрѣвле предуставленное, Дѣво, таинство, и прѣжде век знаемое вся
ведущему Бѣгу, ныне напоследок лет в ложеснах Твоих, Всенепорѣчная,
явися.

Тя вси пророцы яве предвозвестѣша, Хотящую бѣти Бѣжю Матерь, Бо-
городице Чѣстая: едина бо обрелася еси, Чѣстая, совершенна
Непорѣчная.

Песнь 3:

Ирмос: Водрузивый на ничесомже зѣмлю повелѣнием Твоим,/ и повѣси-
вый неодолимо тяготѣющую/ на недвижимем, Христѣ, камени запове-
дей Твоих, // Церковь Твою утверди, Едине Блаже и Человеколюбче.

От Дѣвы Господь явивыйся во плоти, род человеческий вручи Той на по-
печѣние Матернее. Сего ради поем Всеблаженную.

Молимся: о рабѣх Твоих, Дѣво Богородице, из Тебѣ Воплощеннаго моли,
яко Тя и Едину Предстательницу нашу вѣмы.

От не сущих Создавый всяческая, от Тебѣ, Чѣстыя, создатися яко Бла-
годѣтель, благоволи, на Спасѣние вѣрою и любовию Тя поющих, Все-
непорѣчная.

Солнце Правды нам возсия ради Матери и Дѣвы: Сию Безневѣстную и
Богородицу Марию почтим.

Седален, глас 3:

Яко многосвѣтлая луна, показася во граде Луганске святая икона Твоя,
Дѣво Всеславная: светиши бо благодатию чудес в нощи бѣд сущим, и
помощь низпосылаеши во спасѣние душ наших.

Слава и ныне:

Услыши воздыханія сердечныя, возносимыя Ти, Богомати, ускори на
молитву и потщися ко Господу на умоленіе, благоверно, Пречѣстая, Тя

величающих.

Песнь 4:

Ирмос: Божественное Твое разумев истощание/ прозорливо, Аввакум, Христэ, со трепетом вопияше Тебе:/ во Спасение людей Твоих// спасти помазанныя Твоя пришел еси.

Еюже к нам сниде Вышний, истлевшее естество исправить, Лествица Ты явственна, Чистая, всем ныне видена была еси: Тобою бо Преплагий к миру сняти благоволи.

Невесту Тя Всенепорочную, Богородице Владычице, согласно славим, и яко Престол Зиждителя Твоего, поем, и спасаемся Дево, молитвами Твоими.

Иже всему Виновный, и еже быти всем подавый, яко виновну имяше воплощаемь, еже по нам, Тя, Богомати Всенепорочная.

Чинов херувимских преимуществи, и Бога, на руку носима, с плотию понесши, радуйся, Богородице Безневестная.

Песнь 5:

Ирмос: Одейся Светом, яко ризою,/ к Тебе утреннюю, и Тебе зову:/ душу мою просвети омраченную, Христэ,// яко Един Благоутробен.

Исцелений, Владычице, душепитательный точащий источник верно притекающим к покрову Твоему благославному, вемы Тя, Всенепорочная.

Светел облак Тя животныя воды, нам тучу нетления Христа одождивший отчаянным, Чистая, познаваем.

Тя Богородицу воистинну, Чистая, сердцем и умом, душею же и усты исповедую всеблагочестно, спасения плод объемля, и спасаюся Дево, молитвами Твоими.

Ангела глас немолчно тварь вся приносит Тебе, Дево: радуйся, Мати Чистая Иисуса, Сына Божия.

Песнь 6:

Ирмос: Неистовствующееся бурею душеленною,/ Владыко Христэ, страстей море укроти,// и от тли возведи мя, яко Благоутробен.

Яко украшаема добротою добродетелей, Благодатная, добротворное благолепие лучею Духа, подъяла еси, Всечистая, всяческая удобрившаго.

Луганск многоценный обрете святѣни бѣсер, чудотворную икону Твою, еже естъ дѣвное града [нашего] украшение.

Умилѣния исполнен бѣх старец Филипп, яко сподобися милости зрѣти Тя, Богородице, от Родаково до Миллерова, и от Краснодона до Старобѣльска шествующу, стопы Твоими землю нашу благословляющую.

Град Луганск сохраняй, Богородительнице Пречистая, в мире и благочестии, да в сем Тобою побеждается христианами всякое искушение и утверждается благочестие, и торжествует православие.

Кондак, глас 8. Подобен: Взбранной:

Взбранной Воеводе и Заступнице рода христианского, чрез святую Свою икону являющей милости и щедроты земли Луганстей и людем ея, со умилѣнием зовем: Радуйся, Предивная Дѣво и Мати, града Луганска Покрове и Украшение.

Икос: Одейся светом, яко ризою, Невместимый Бог наш, плоть Человечу тайнственно приях от Тебе, Богородице, Господь Славы Христос, Егоже трепещут всяческая. Тому поклонимся, с благодарностию о смирении Твоем, Владычице, поюще Ти: Радуйся, плоде истового молѣния. Радуйся, Ходатаице нашего спасения. Радуйся, христиан православных Упование. Радуйся, к Сыну Твоему благое дерзновение. Радуйся, ангелов удивление. Радуйся, роду человеческому благословение. Радуйся, целующая всякое доброе намерение. Радуйся, скорбей на радость пременение. Радуйся, Предивная Дѣво и Мати, града Луганска Покрове и Украшение.

Песнь 7:

Ирмос: Превозносимый отец Господь/ пламень угаси, отроки ороси, согласно поощия:// Бже, благословен еси.

Ангельстии собори Тя, Богородительнице, славят, и человеческий род Тя непрестанно пѣснями почитает, се бо истинно плоти соединися, яко Благоутробен, в Тебе Пресвятѣй: Бже, благословен еси.

Неопределённый пребыв Непреложен, плотию описан явился, яко Благоутробен, в Тебе Пресвятый: Боже, благословен еси.

Со Иаковом Богомудрым, Давиде, иже во пророцех царь и во царех пророк, ныне воспой: воплощйся нас ради, Христе, благословен еси.

Купино Неопальная, Мати Пречистая, немолчно песнями поем Тя: без семене бо родила еси воплощенного Бога, Присноблагословенная, Ему же вси зовем: Боже, благословен еси.

Песнь 8:

Ирмос: Тебе, Вседетелю,/ в пещи отроцы, всемирный лик сплетше, пояху:/дела всякая, Господа пойте// и превозносите во вся веки.

Иже Богу плоть чистую Давшая, Владычице, ныне угаси плоти наша разжжение, утоли всяку печаль и боль, сердца верных радости исполняючи, да непрестанно поем Тя, Дево, и превозносим во вся веки.

О, Рождество Твое непостижимое! Егоже, Дево, поет с нами безплотных собор, един лик составляше любовью и превозносяще Христа Бога во веки.

Троицен: Ангельскую песнь приносим Пресущественной Троице, во Единице поклоняемей: Свят, Свят, Свят еси, Боже, молитвами Богородицы спаси нас, да Тя превозносим во вся веки.

Нам роди Богородица Мария Царя Христа, и по Рождестве преестеством пребывает Дева Чистая. Сего ради дела всякая, Господа пойте и превозносите во вся веки.

Песнь 9:

Ирмос: Исаие, ликуй,/ Дева име во чреве/ и роди Сына Еммануила,/ Бога же и Человека,/ Восток имя Ему,/ Его же величающе,/ Деву ублажаем.

Не от семене мужескаго, но от чистых кровей Твоих исткася плоть преестественно всех Содетелю, Единородному Сыну Отчу, Богородице Приснодево, темже Тя ублажаем.

Рождшую плотию воистину паче ума Жизнь вечную, Тя, Пречистая Дево, верно ублажаем

Еже радуйся Ангелом Приимшая, и Рождеством Твоим, Пречистая Дево, радость всему миру Давшая, заступи, спаси и сохрани люди православныя, Тя величающия, Пресвятая Мати Дево.

Чистая и Честная Дево, Всенепорочная и Присноблаженная Отроковице, землю нашу и град Твой утверди, да, Бога непрестанно славяще, Тебе убожаем.

Елей милости Твоея, на нас источенный, како воспоём? Кую похвалу Ти принести возможем, Богородительнице? Несть числа благодеяниям, бывающим от иконы Твоея на нас. Токмо умиленно вопиём Тебе: Радуйся, Предивная Дево и Мати, града Луганска Покров и Украшение.

Светилен, глас 4:

Вразумление дерзновенным скорое, бисер многоценный верным, Богородице Всесвятая, покров Твой не отыми от нас, верою Тя воспевающих.

Слава, и ныне, глас тойже:

Источник еси воистинну Света Неприступнаго, Владычице, просвещаяши убо тьму греховную и отгоняеши недуги душ и телес лютыя, осенением Твоим единым токмо, свет спасения изливающи.

На хвалитех поставим стихир 6, глас 8-й:

Богородице Всесвятая, Сын и Бог Твой людем Тя Предстательницу содела, да Твоими молитвами житие от худшаго на лучшее преложат, и казни вечной избегнут, Пречистая, Твоими молитвами.

Спасения нашего Содетельница,/ Богородице Всеславная,/ земли Луганския Украшение,/ Госпоже Пречистая,/ Тобою верным милость даровася во святей иконе Твоей:/ сим образом с нами еси./ Тем благоговейно предстояще, поклоняемся Тебе, раби Твои:/ посети ны Твоими Матерними щедротами.

Яко воистинну древняго кивота пречестнее,/ егда Давид, собрав люди, играше,/ ныне Твоя, Богородице, икона,/ ейже предстоят архиереев собори,/ и с чинми Ангел, все христоименитых людей множество/ достойно блажат Тя, Матерь Божию,/ и прославляют раболепно,/ и

чествуют, и покланяются,/ и молятся Тебе по Бозе:/ да мир утвердиши в православии,/ и отечество умириши,/ и спасеши от всех зол Твоя рабы,// яко едина Благословенная.

Предстоят, Госпоже Богородице,/ пред Твоим, Пречистая, образом,/ православнии людие,/ ведуще Тя воистинну Помощницу сильну и непобедиму,/ моления Тебе приносят от всея души / чающе Твоея помощи,/ да простреси богоносныя Твоя руки/ и умолиши за мир:// Твоея бо всегда требуем вси помощи.

Добро нам тут быти, братие,/ источник бо благодати нас созда,/ Благоую Заступницу нам устрои,/ Та бо есть Мати Божия,/ Еяже икону почитаем,/ к Жизни Присной наставляеми.

Слава, глас 8-й:

Иже на Херувимех ездая/ и певаемый от Серафим,/ сшел еси с Небес пророчески, Блаже,/ и вселился еси во утробу Чистой Богоотроковицы,/ Юже Ангели воспеша тайно:/ радуйся, Дево, Необыменнаго Бога во чреве Твоем приемши паче слова,/ от неверия в веру мир преводяща;/ слава Тебе, Христе,// единые Милостиве и Человеколюбче.

И ныне: Преблагословена еси, Богородице Дево,/ Воплощшим бо ся из Тебе ад пленися,/ Адам возвася,/ клятва потребися,/ Ева свободися,/ смерть умертвися, и мы ожихом./ Тем воспевающе вопием:/ благословен Христос Бог,// благоволивый тако, слава Тебе.

Великое славословие, ектении и отпуст

НА ЛИТУРГИИ

Блаженны — от 6 и 9 песни канона.

Прокимен, глас 3, песнь Богородицы: Величит душа Моя Господа, и возрадовася дух Мой о Бозе, Спасе Моём.

Стих: Яко призре на смирение рабы своея, се бо от ныне ублажат мя вси роди.

Апостол к Филипписием, зачало 240.

Аллилуиа, глас 6: Помяну имя Твое во всяком роде и роде.

Стих: Слы́ши дщи́ и ви́ждь, и приклонí у́хо твоё.

Евангелие от Луки, зачало 54.

Прича́стен: Ча́шу спасе́ния прииму́, / и и́мя Господне призову́.

Стихиры Богородице ради иконы Ея Луганския, глас 1-й:

Веселíтся днёсь свѣтло земля́ Луга́нская, чудотво́рную бо ико́ну Твою́ здѣ просла́вила еси́, Влады́чице, источа́ющи от не́я вели́кия и богáтыя мило́сти ве́рно зову́щим Ти: Благода́тная, ра́дуйся, с Тобо́ю Господь, пода́й мiрови ве́лию мiлость.

Тебе́ припа́дают, Влады́чице, святiтелей собо́ры, священни́цы, мона́си и прости́и лю́дие, умiльно моля́щися и глаго́люще: чту́щия Тя спаса́й, избавля́ющи от вся́кого обстоя́ния рабы́ Тво́я, Всеблагáя Засту́пнице.

Притеце́м к тiхому приста́нищу и Засту́пнице ро́да на́шего, Де́ве Мари́и, поклони́мся честно́му Ея́ о́бразу, iже Луга́нским имену́ется, умiльно зову́ще: при́зри, Благосе́рдая Ма́ти, на лю́тыя ско́рби, нас обдержа́щия, и исцели́ болéзнь ду́ш на́ших.

Тебе́ припа́дают, Госпоже́, правосла́внии лю́дие и, любéзно взира́юще на святую́ ико́ну Твою́ Луга́нскую, со трéпетом вопи́ют Ти́: прииди́ к на́м, Благáя Ма́ти, я́коже пришлá еси́ к ста́рцу диа́кону Фили́ппу, заступи́ и спаси́ нас от вся́кия беды́ и напа́сти, ущедри́ чту́щия Тя, Цари́це Небе́сная, дарова́вшая на́м о́браз Тво́й святы́й в залóг мiлости и спасе́ния.

Честную́ ико́ну Твою́, па́че агáта и топа́за сокрови́ще многоце́нное, има́ть гра́д Луга́нск, Богоблагода́тная Ма́ти, ея́же дарова́ла еси́ на́м в покрóв и заступле́ние, и необори́мую стену́, и чудес́ источник приснотеку́щий, сего́ ра́ди почита́ем Тя, Пречи́стая Влады́чице.

Слава и ныне, глас 6-й:

Весéлия духо́внаго исполня́ется земля́ Луга́нская, пречи́стаго бо́ о́браза Твоего́, Ма́терь и Де́во, па́мь прáзднуем свѣтло, в сѣм бо позна́ем зна́мение Твоего́ к на́м благоволе́ния, Пречи́стая, покрывáеши бо и спаса́еши на Тя упова́ющия, Богороди́це Всепéтая и Неискусобра́чная.

